



ATASSUT

14.10.2015

Steen Lyngge

UKA 2015/166

Atlantikup avannaata Kalaallillu Nunaata silaannartaasa angallavigineqarnerisa allaffissornikkut aquneqarnerata nunatsinnut nuunneqarnissaa pillugu naalagaaffeqatigiit Canadami Islandimilu oqartussanut isumaqatigiinniuteqarnissaasa aallartinneqarnissaa siunertaralugu danskit naalakkersuisuinut saaffiginninnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat Anders Olsen, Tillie Martinussen, Jens-Erik Kirkegaard, Kalistat Lund aamma Ane Hansen)

ATASSUT-mit matumani Naalagaaffeqatigiinniit Kalaallit Nunaata silaannartaasa angallavigineqarnerisa allaffissornikkut aquneqarnerata nunatsinnut nuunneqarnissaa pillugu siunnersuut ima oqaaseqarfigisavaa:

Ullumikkut Kalallit Nunaannit oqarutussaqaarfiit 32-t suli tigussallugit amigaatigivai, taakkunanilu aamma ilaavoq Kalaallit Nunaata silaannartaasa angallavigineqarnerisa allaffissornikkut aquneqarnera, suli Kalaallit Nunaannit akisussaaffigineqalersimangilaq. Silaannaap angallavigineqartup Danmark-ip akisussaaffigivaa. Ullumikkut silaannakkut angallaviit allat Island-imit Canada-millu Danmark isumaqatigiissuteqarfigineqarneratigut isumagineqartarput, silaannaarli 19.500 fod-it tikillugit qullasitsigisoq Danmark-imit allaffissornikkut aquneqarluni.

Siunnersuuteqartut kissaatigivaat, Naalakkersuisut peqquneqassatut Danmark attavigineqassasoq Canada-mi aamma Island-imi oqartussat aallarnisaataasumik oqaloqatigineqarnissaat pillugit, taamaasilluni silaannaat angallavigineqartut allaffissornikkut aquneqarnerit Danmark-imit tiguneqarsinnaangornissai siunertaralugu.

Taamatut siunnersuuteqartut siunnersuuteqarnermigut kissaatigivaat, Danmark-ip silaannakkut angallavigineqartut allat 19.500 fod-it ataaniittut ilanngullugit akisussaaffigilissagaat – taamaaliornikkut suliffissat amerlanerusut Kalaallit Nunaanni pilersinneqarsinnaaqullugit. Oqaatigineqareersutut ullumikkut Danmark-ip allaffissornikkut aquppai 19.500 fod-it ataallugit silaannakkut angallanneri Kalaallit Nunaanni allaffeqaarfinni assigiinngitsuniit. Danmark-ip



ATASSUT INATSISARTUNI

silaannakkut angallaffiit allanut akisussaaffik tigoqqittuuppasuk, maani nunatsinni suliffinnik amerlanerusunik malitseqarsinnaanera naatsorsuutigineqarsinnaavoq.

Maani nunatsinni suliffissat amerlisinnaaneri kissaatiginarmat, ATASSUT-mit matumuuna oqaatigissavarput siunnersuut taperseratsigut, taamaasillutalu siunnersuutip aappasaaneerneqarnissaanut ingerlateqqinneqarnissaa innersuussutigalutigu.